

頻

羅

庵

遺

集

頻羅庵遺集卷五

錢唐梁同書

舊繡集二

集杜

擬古

蕭蕭北風勁黃葉墮我前游子無根株飄蓬踰三年寄
書長不達所思無由宣道意久衰薄小人苦喧闐不知
死與生寧受外物牽煩君萬里傳保愛金石堅

羌村三首之二

遣興三首之一

奉贈射洪李四

丈鐵堂峽

月夜憶舍弟

贈李十五丈別

昔

遊

鹽井

遣興三首之二

寄題江外草

堂

廣州段功曹到

湘江宴餞裴二端公

戚戚去故里迢迢滯遠方身貴不足論位下曷足傷所
悲骨髓乾逗畱熱爾腸妻子隔絕久飢寒永相望罷官

亦由人不如早還鄉清江舊魚美茅棟蓋一牀敏捷詩
千首磊落字百行浮生有定分且復過炎涼不聞八尺
軀更上林北岡百年不敢料回首一茫茫古來賢達士
龐公至死藏

前出塞九首第一

元日示宗武

後出塞五首第

五陳拾遺故宅

垂老別

送重表姪王珣

述

懷一首

遣興三首第二

立秋後題

夏夜歎

遣興五首第五

柴門

不見

入衡州

飛仙閣

雙燕

贈李十五丈別

又上後園山脚

龍門

閣送靈州李判官

寄題江外草堂

寄彭州高

三十五

使君

壯年學書劍蹭蹬多拙爲非無萬里姿少壯能幾時我
馬向北嘶我車已載脂歎息謂妻子門戶無人持閭里

送我行行酒雙透迤白日照執袂感彼危苦詞努力慎
風水當念居者思丈夫四方志名聲豈浪垂生逢堯舜
君無令軒車遲未達善一身但取不磷緇吞聲勿復道
慘慘中腸悲

暮春題懷西新賃草屋第四上水遣懷述古三
首第一贈衛八處士白沙渡赤谷飛仙閣

水檻後出塞五首第一奉送魏六丈之交廣

送樊二十三侍御赴漢中同元使君春陵行

別李義送殿中楊監赴蜀前出塞第九首偶

題自京赴奉先縣詠懷五百字送李校書二十

六韻詠懷第一首別崔湜因寄薛據孟

雲卿遣興二首第一送高三十五書記

高人煉丹砂志士採紫芝蓬萊如可到青春猶有私未
必能達道恐貽識者嗤去水絕還波花落辭故枝分明

在眼前可以物理推人有甚於斯百慮視安危貴賤俱
物役賢愚誠等差是身如浮雲飄風過無時百年賦命
定雖多亦奚爲

七月三日亭午

園官送菜

遊子

次空靈岸

遣興五首第三

水檻

送殿中楊監赴蜀

得舍

弟消息

歷歷

述古三首第一

遣興五首第四

解憂

陪李北海宴歷下亭

詠懷第二首

別

贊上人

宿鑿石浦

詠懷第二首

別

送韋十六評事

病橘

詠懷第二首

別

出郭眺西郊涼氣曉蕭蕭牽蘿補茅屋駕竹爲長橋四
鄰何所有藹藹桑麻交阿翁懶惰久醉酒或連朝質朴
古人風無他亦自饒客從何鄉來飛走使我高父老四
五人相率除蓬蒿牆東有隙地牆頭過濁醪濁醪有妙

理悠悠見汝曹

喜晴

朝雨

佳人

桔柏渡

無家別

寄薛三

郎中

示從孫濟

奉贈盧五丈參謀琚

吾宗

鷗

病柏

送重表姪王珣

羌村第三首

述古

三首

第二

催宗文樹雞柵

夏日李八見訪

晦

日尋

崔戢李

封

渡江

好鳥不妄飛走鹿無反顧所思烟霞微且無鷹隼慮游

子有所之多被才名誤旅食京華春疲茶煩親故驅馳

不可說漂泊難相遇欲化北溟鯤真成窮鰥一失不

足傷更欲投何處榮華有是非俄頃恐危迂吾知拙養

尊游子慎馳騫

五盤

詠懷第二

幽人

鴻臚

赤谷

有懷台

州鄭十八司戶

奉贈韋左丞丈

峽口二首

第二

寄司馬山人 得舍弟消息 贈虞十五司馬

奉贈李八丈判官 敬寄族弟唐十八 舟出江陵

南浦 秋野五首第二 又雨

晚 送高司直尋封閬州

飢鷹未飽肉飽肉氣勇決為君除狡兔所向無空闊壯

士恥為儒潛身備行列臂懸兩角弓鳴弦不虛發躍馬

二十年竟流帳下血邊人不敢議朝廷壯其節用激壯

士肝每聞戰場說

送高三十五書記 留花門 楊監又出畫鷹十二

扇 房兵曹馬詩 送蔡希曾都尉還隴右 前出

塞第八首 寄贈王十將軍承俊 七月三日亭午 送

後出塞第五首 入衡州 後出塞第四首

韋十六評事充同谷郡防禦判官 義鵬 覽柏中允兼子姪除官制詞

公子過我遊紫騮隨劒几九齡書大字十五富文史兼

工古體詩熟精文選理自成一家則揮灑亦莫比走馬
向承明麻屨見天子乘黃已去矣驍騰有如此式瞻北
鄰居徒懷貢公喜才名三十年文章一小技形骸今若
是頭白燈明裏示我百篇文藉以如霞綺獨恥事干謁
壯心不肯已寡鶴誤一響老驥思千里焉得不低垂倏
忽向二紀勸汝衡門士豈待一知己榮華貴少壯人情
逐鮮美沽酒不復疑莫問東流水

夏日李公見訪

贈祕書監江夏李公

壯遊送

李校書二十六韻

幕冬送蘇四郎

宗武生日

送

故右僕射相國

奉先劉少府新畫山水障歌

送

李卿畦述懷一首

遣懷房兵曹馬詩

苦雨

奉寄隴西公

承沈八丈東美戲簡鄭廣文

貽

華陽柳少府

客堂日暮贈鄭十八賁

種蒿

荳 自京赴奉先縣詠懷五百字 戲贈友第一
故著作郎貶台州司戶 贈韋左丞丈 水檻 詠
懷第一首 遣興三首第三 聽楊氏歌 奉酬薛
十二丈判官 泛溪 醉時歌 陪諸公上白帝城
宴

偁仄何偁仄鬢毛垂領白百年能幾何少壯樂難得憶
昔少壯日爽氣春淅瀝同游英俊人冠蓋日雲積三日
一其筵一舉累十觴杯盤頗狼籍裘馬頗清狂聚散俄
十春忽在天一方陷此膠與漆又如參與商回首載酒
地落月滿屋梁無以洗心胸志士懷感傷

偁仄行 上巳日徐司錄林園 別唐十五誠因寄
禮部賈侍郎 湖中送敬十使君 垂老別 贈司
空王思禮 陳拾遺故宅 送李校書 贈李十五
丈別 贈衛八處士 鄭典設自施州歸 壯游

別蔡十四著作成都府寫懷第二首送高三十五書記遺興三首之三夢李白二首之一
枯柏渡奉贈
射洪李四丈

窮窳桃李花滿眼顏色好令我心悅懌令我惡懷抱昨
屬愁春雨所向色枯槁茲晨已半落山林跡如埽人間
好妙年漸惜容顏老物理固自然忘機對芳草

喜晴園人送瓜鄭典設自施州歸送長孫九
侍御赴武威王錄事許修草堂奉贈射洪李四丈
六韻溪漲贈李白送李校書二十
遺興三首之三

驛驪入窮馬駘漫深泥顏色同日老遠近理亦齊絲
麻雜羅紈才淑隨廝養茫茫天造間識者一惆悵摧折
不自守讒毀竟自取乃知君子心安排用莊叟

送顧八分文學

戲贈友二首之一

遺興三首之

三無家別園官送菜

過南岳入洞庭湖

宿

花石戍楊監又出畫鷹

蒹葭上水遣懷

故右僕射張九齡將適吳楚畱別章使君

嗟彼苦節士天邊今轉蓬得無妻嫂欺取笑同學翁薄

俗難具論古來偃側同仲尼甘旅人章甫尚西東況我

飢愚夫安可辭固窮欲學鴟夷子高標跨蒼穹扁舟落

吾手背若孤征鴻納納乾坤大漠漠世界空甘爲汗漫

遊飄蕩隨高風

入衡州

寄司馬山人

奉送魏六丈之交廣

自

京赴奉先縣

示從孫濟

贈蘇溪

兩當縣吳十

侍御江上宅

奉寄河南韋尹

發同谷縣

前出

塞第九奉酬薛十二

文判官

同諸公登慈恩寺

塔將適吳楚畱別

苦雨奉寄隴西公

登慈恩寺

野望

贈蜀僧

奉送王信州峯

遺興三首之一

上古葛天民在昔龐德公耕鑿安時論土著還力農常
怪商山老未似尸鄉翁尸鄉餘土室雞栖草屋同不願
論簪笏豈惟長兒童賤予欲適從始來茲山中下有良
田疇秔稻熟天風青青屋東麻敢昧織作功喜見淳樸
俗焉知清興終眷言終荷鋤卜宅近前峯

晦日尋崔戢李封

秋峽

催宗文樹雞柵

遣興五首之二

奉寄河南韋尹才人

往在

向夕

與李白同尋范十

早發

發秦州

將適吳楚畱別章使君

居東屯茅屋

發同谷縣

溪漲

牽牛織女

五盤

苦

雨奉寄隴西公

得家書

謁真諦寺禪師

西來有好鳥突兀猶趁人早行石上水暮啄泥中芹卑
飛欲何待非是倉鷗鄰有似懼彈射欻然欲求伸鸞鳳

有鍛翻誰免危其身非無江海志何路出塵氛

奉酬薛十二丈判官青陽峽彭衙行暇日小

園散病贈鄭十八賁通泉縣署薛少保畫鶴

白水縣崔少府十九翁高齋奉贈韋左丞丈二十

二韻敬寄族弟唐十八寄薛三郎中自京赴

奉先縣詠懷觀李

固請司馬弟山水圖

荒哉膏梁客黃金傾有無居然綰章綬地崇士大夫聚
斂貢城闕乾沒費倉儲帳下羅賓友背後吹笙竽華屋
刻蛟螭照耀興臺軀得志行所爲嘶鳴望天衢上官權
許與飛騰正時須吁嗟公私病奈何黠吏徒聖聰矧多
仁巨猾何時除得失瞬息間憶昨狼狽初君看束縛去
低垂氣不蘇爾輩堪一笑夢盡失歡娛

驅鑒子摘蒼耳 遣懷 客堂 故著作郎鄭虔

自京赴奉先縣詠懷 贈李八祕書別 將適吳楚

畱別 草堂 奉送魏六丈之交廣 後出塞五首

第四 詠懷第一首 別張十三建 兩當縣吳十

侍御江上宅 入奏行 雷 遣興五首之五 汝陽郡王璣

五盤 解憂 北征 遣興五首之五 熱三首

第一 三韻三篇之三 大歷三年春白帝城放船

蓬生非無根 飄飄媿此身 飛櫓本無蒂 役役常苦辛 哀

彼遠征人 辛苦在道路 路遠不可測 罔兩移深樹 川廣

不可泝 風浪無晨暮 水陸迷畏途 焉得所歷住 仰視百

鳥飛 日暮歸幾翼 丈人屋上烏 隨母向百翮 念子何當

歸久待無消息

遣興三首第一 贈王二十四侍御契 解憂 寄

薛三郎中 又上後園山脚 送高司直尋封閬中

頤羅庵貴集 卷五

七

夢李白二首第一 月三首第一 汝陽郡王璣

有懷台州鄭十八司戶 贈鄭十八 賁 詠懷第

二 新婚別 客居 奉贈射洪李四丈 崔錄事

文樹雞枏 送高三十五書記 寄邛州崔錄事

百川日東流 浮雲暮南征 王侯與蠅蟻 萬古一死生 顧

惟蠅蟻輩逢人問公卿 不知百載後何人符大名 況難

駐羲和青蠅徒營營 日月不相饒 天地終無情 吾衰未

自安轉衰病 相嬰今晨清鏡中 短髮媿簪纓 且用慰遲

暮 傾榼濁復清 甘從千日醉 始覺心和平

別贊上人 前出塞第七 調文公上方 詠懷第

二首 自京赴奉先縣詠懷 贈左僕射鄭國公嚴

武 觀薛稷少保書畫壁 送竇九歸成都 別唐

十五 誠因寄 故司徒李光弼 立秋後題 新安

吏 石櫃閣 同元使君春陵行 蘇大侍御訪江

浦 奉送郭中丞 羌村第二首 羌村第三首

垂白 太子張舍
人遺織成褥段

擬古挽歌

長林何蕭蕭蕭蕭白楊路落日不逢人悲鳴駟馬顧鳴
呼古人已糞土恐是昔時卿相墓落日今日幾人悲富
貴何如草頭露

遺興五首第一 贈祕書監李邕 東屯北嶠 送
盧十四弟侍御 嚴氏溪放歌 石笋行 存歿口
號第一 送 孔巢父謝病

香奩之作多寫閨情而思士不及焉余以兩情相

盼雙美斯合輒擬唐賢左右風懷詞各成五首

爲接情人飲相迎自醺醅綠尊須盡日畫舸莫輕回不

寐聽金鑠忘歸步月臺夜闌接軟語問我數能來

左

巴西驛亭觀江漲第一 晚晴吳郎見過 奉陪鄭

駙馬韋曲第一 奉寄李十五祕書第一 春宿左

省 徐九少尹見過 贈

蜀僧 春日江村第四

斟酌姮娥寡別離慘至今縛柴門窄窄行藥病泔泔今

日明人眼他時見汝心曉妝隨手抹渾欲不勝簪

左

月 故著作鄭虔 秋日夔府詠懷 風疾舟中

有徑金沙輒朱樓白水邊仙遊終一闕消渴已三年咄

咄寧書字迢迢獨上天如何有奇怪夜久燭花偏

左

陪王使君晦日 舟月對驛近寺 鬪雞 秋日夔

府詠懷 寄劉峽州伯華使君 覆舟第二 蕃劒

尚書筵

風慢不依樓風簾自上鉤別離驚節換行止各雲浮
季子黑貂敝燕姬翠黛愁誰憐一片影河漢近人流

左

西閣口號 月 憶幼子 奉送王信州 奉送魏
六丈佑 陪諸貴公子丈八溝 孤雁 十六夜玩
月

曉八朱扉啟庭中藤到簷幽棲身懶動怯別酒頻添犬

迎去曾宿客鳥窺新卷簾思君令人瘦於汝定無嫌

左

遣悶奉呈嚴公 絕句六首之五 絕句第二 東
津送韋諷 重過何氏第二 入宅三首之一 九

日寄岑參
送張二十

漫道春來好來時悲早春花飛有底急酒綠正相親
狼藉畫眉闊伶俚臥疾頻雙雙新燕子也復可憐人

右

絕句九首第三 奉酬李都督表丈 可惜獨酌
成詩 北征 贈王二十四侍御契 春日梓州登

樓第一

雨過蘇端

春草封歸恨王孫若箇邊把君詩過日值我病經年樽

蟻添相續燈花委半眠今朝好晴景偷眼豔陽天 右

風疾舟中伏枕書懷 哭李尚書 贈別鄭鍊赴襄

陽 杜鵑 季秋蘇五弟纓第三 夜二首第一

雨晴 數陪李

梓州泛江第一

綺樓高樹頂樓靜月侵門待爾嘖烏鵲從兒具綠尊始

知雲雨峽尚想鳳皇村一別星橋夜啼垂舊血痕 右

哭韋大夫之晉 西閣夜 喜觀卽到第二 九日

五首第四 春夜峽州 木皮嶺 贈王二十四侍

御契 得弟

消息第一

昨夜月清圓鈎簾獨未眠頌椒添諷詠烹鯉問沈縣春

色豈相誤狂風大放顛憑將百錢卜何日是歸年右

舟中

舟月對驛近寺

續得觀書

秋日夔府詠

懷歸燕絕句九首第三公安送二十九弟

絕句二

首第二

回首追談笑方期解纜初卽今千種恨不寄一行書日

暮倚脩竹中宵步綺疏愁邊有江水看取北來魚右

寄劉峽州

寄李十四員外布

憶弟第一

寄高

三十五詹事

佳人

中宵

又雪

酬韋韶州見

寄

無題八首

拂拭烏皮几安居奉我歡坐開桑落酒暗滿菊花團預

恐樽中盡何曾夜色闌卷簾殘月影雙照淚痕乾

阻雨不得歸瀼西彭衙行九日楊奉先會白水

崔明府初月夏日李公見訪放船客夜

月夜

何處鶯啼切青春日自濃將軍別換馬女壻近乘龍匣

裏雌雄劍掌中琥珀鍾一時今夕會結構坐來重

上牛頭寺傷春五首之一日暮李監宅冬

晚送長孫漸奉送魏六丈佑季秋蘇五弟之一

惠義寺

送王少尹

蕭史幽棲地佳人絕代歌黃鸞度結構朱袖拂雲和蕭

肅花絮晚飛飛蜂蝶多忽疑行暮雨巫岫鬱嵯峨

崔駙馬山亭宴集聽楊氏歌大雲寺贊公房

暮寒春遠絕句六首之二花底江梅

欲問桃源宿桃源何處求高秋收畫扇落日在簾鉤天

上多鴻雁河間雙白鷗飄零何所似蕭瑟倚朱樓

赤谷西崦人家 不寐 傷秋 落日 寄高
三十五簷事 獨立 旅夜書懷 西閣第二

喚起搔頭急頻抽白玉簪笑時花近眼恨別鳥驚心人

事多錯迕交情無舊深沈思歡會處飄泊到如今

秋日夔府詠懷 樓上 卽事 春望 新婚
別 發同谷縣 述懷一首 春日江村第一

昔曾如意舞扶汝醉初醒金管迷宮徵銀河倒列星燭

斜初近見夢覺有微馨只尺雲山路高唐莫再經

宴忠州使君宅 路逢襄陽楊少府 聽楊氏歌
不離西閣第二 舟中夜雪有懷 奉酬薛十二丈

送蔡希曾還隴
右 泊松滋江亭

秋思拋雲髻垂頭傍我牀願隨金轡裏莫學野鴛鴦淚
逐勸杯下愁從舞曲長此時同一醉不復辨晨光

即事 又得舍弟消息 槐葉冷淘 數陪李梓州

泛江送客 江亭王閬州 舍弟觀歸藍田之二

秦州雜詩第十七

可惜歡娛地空留一院陰春濃停野騎秋至拭清砧雲

掩初弦月天橫醉後參思君令人瘦為恨與年深

可惜 送賈閣老出汝州 懷瀟上游 擣衣 遣

意第二 送嚴侍郎到綿州 九日寄岑參 又示

兒兩

後山居雜詩十二首

幽居在空谷風雨亦來過寒木累旌旆深江淨綺羅晨

鐘雲外濕秋水席邊多勝絕驚身老生涯能幾何

佳人

陪鄭廣文遊何將軍山林第十首

萬丈潭

泛江

船下夔州郭

章梓州水亭

宴戎州楊

使君

遣興

三首第一

竹杖交頭挂階前每緩行青松寒不落白鳥去邊明戲

問垂綸客常從漉酒生都將百年興長嘯一含情

晚晴

吳郎見過北舍

花鳥

寄劉峽州伯華使君

雨四首第一

渡江

漫成

絕句九首第一

公安縣

懷古

拂拭烏皮几昭然開鼎彝彈琴視天壤拔劒撥年衰素

業行已矣名家信有之小兒強解事誦得老夫詩

阻雨

不得歸懷西

贈崔

十三評事

故著作郎貶

台州司戶

夔府書懷

秋日荆南述懷

暮春江

旗羅庵遺集卷五

三

陵送馬大卿
彭衙行 遺興

茅屋還堪賦沙田又足收出門流水注歸路晚山稠必

種數竿竹豈無雙釣舟平生飛動意含笑看吳鉤

春日江村第一 寄贊上人 陪鄭廣文遊何將軍
山林第十 晚行口號 客堂 除草 贈高式顏

後出塞
五首第一

亦知故鄉樂還爲世塵嬰松柏邨山路雲霞過客情安

排用莊叟漂泊問君平鑒澈勞懸鏡休看白髮生

兩當縣吳十侍御 別贊上人 熟食日示宗文宗
武 又滕王亭子 將適吳楚留別 公安送李二
十九弟 秋日荆南送石
首薛明府 贈陳二補闕

新作湖邊宅湖邊意緒多不關輕紱冕且得慰蹉跎鶴

下雲汀近龜開萍葉過碧溪搖艇闊吾醉亦長歌

秋日寄題鄭監湖亭第二 暮春陪李尚書李中丞

贈王二十四侍御契 寄高三十五書記 向夕

園 屏跡第三首 章梓州水亭

相去四五里村依野廟孺雲溪花淡淡石瀨月娟娟每

過得酒喫頻遊任履穿老夫貪佛日只想竹林眠

貽華陽柳少府 秋日夔府詠懷 行次鹽亭 船

下夔州 晦日尋崔戢李封 春日江村五首第二

津寺示姪佐 整往比鄰去論交入酒壚清談見滋味朗詠劃昭蘇失

學從愚子衰容問僕夫蘊真愜所適亦足慰榛蕪

范二員外邈吳十侍御郁 遣懷 九月一日過孟

十二倉曹 大歷三年春 不離西閣第一 北風

頻羅庵遺集

卷五

十三

陪李北海宴歷下亭
贈韋左丞丈

百年嗟已半顏狀老翁爲足踏風昔趼心從弱歲疲理
生那免俗遣興莫過詩幸近幽人屋招邀屢有期

贈虞十五司馬
源明 偶題 孟倉曹步趾領新酒醬二物 可惜

馬卑江上第二首
苦竹 陪李七司

秋燕已如客寒花只暫香笑爲妻子累日覺死生忙沈
思情延佇幽襟興激昂浮名尋已已且欲上慈航

立秋後題 薄遊 寄岳州賈司馬六丈 壯遊
雨二首之一 奉觀嚴鄭公廳事畫圖 大歷三年
春白帝城 上兜率寺

可望不可攀雲輕處處山梅花交近野仙鶴下人間休

駕喜地僻畱歡卜夜閒衰顏偶一破幽事頗相關

前出塞九首第七 涪江泛舟送韋班歸京 送王侍御往東川 故右僕射張九齡 發同谷縣 宴

王使君宅題第二首 早起

徐步移斑杖江邊獨立時雨稀雲葉斷波亂日華遲燕

入非傍舍花開滿故枝浮生看物變歎及老夫衰

曉望白帝城鹽山 對雨 夏夜李尚書筵 莫春題懷西新賃草屋第一 過故斛斯校書莊第二

傷春第二 又示兩兒 贈崔十三評事

田舍十韻

田舍清江曲茅堂石笋西所居秋草靜隨意葛巾低
漫通經術疏頑感町畦高齋常見野幽徑恐多蹊長日

容盃酒清風獨杖藜遠慚句漏令時訪武陵谿遂性同
漁父無心待馬蹄餘生如過鳥微分是醯雞漫作潛夫
論須令賸客迷故山多藥物方法報山妻

田舍

絕句九首第二

秦州雜詩第十

課小監

鉏斫第二

同豆盧峯知字韻

到村

愁坐

白

露泛江

送舍弟穎赴齊州第一

為農

水宿

遣興迴棹

畏人

貽華陽柳少府

奉贈

太常

張卿偶題

自灤西荆扉第二

奉畱

贈集賢院

孟倉曹步趾領新酒醬二物

秋暑蠅蚊甚熾詩以責之

三伏適已過飛蟲滿院遊世人皆欲殺此輩豈無秋輕
箠煩相向空牀難暗投物情無巨細疾惡信如讎

阻雨不得歸灤西

落日

不見

種

蒿菴雨

毒熱寄簡

夏夜歎

除草

遠客行

八月秋高風怒號哀鴻獨叫求其曹自古稻梁多不足
翅垂口噤心勞勞壯士短衣頭虎毛應弦不礙蒼山高
一笑正墜雙飛翼豈免溝壑常漂漂不爲困窮寧有此
却教江漢客魂銷

茅屋爲秋風所破歌曲江三章第一官池春鴈
第一朱鳳行荆南兵馬使久雨期王將軍不
至哀江頭嚴氏溪放歌行
又呈吳郎承聞河北諸道第三

夢遊仙醒而有作

江心蟠石生桃竹洞口經春長薜蘿指點虛無是征路
難隨鳥翼一相過

頻羅庵遺集卷五

五

桃竹杖引
父謝病歸
覽物送孔巢
奉寄別馬巴州

驅石何時到海東
石鯨鱗甲動秋風
至今夢想仍猶左
未就丹砂愧葛洪

陪李七司馬阜江上
首第七
憶昔行
贈李白
秋興八

秋晚江上幽居

澹雲疏雨過高城
新月猶懸雙杵鳴
細草畱連侵坐軟
柴門密掩斷人行
松間蘭若秋風晚
樓下長江百丈清
陶冶性靈成底物
花枝照眼句還成

院中晚晴
蘭若
越王樓歌
又送
解悶十二首第七
大覺高僧
酬郭十五
官判

登六和塔宿開化寺二首

金刹青楓外迴風吹早秋清聞樹杪磬光抱空中樓日
腳下平地寒江繞上頭會須凌絕頂河漢近人流

川月對驛近寺夜雨陪章畱後惠義寺奉同
郭給事湯東靈作光村第一西閣口號望

岳十六
夜玩月

更宿招提境江頭且繫船風煙含越鳥潮海蹴吳天戶
牖粲可數雲沙淨眇然狂歌過形勝不敢廢詩篇

遊龍門奉先寺題鄭縣郭三十二明府江陵望
幸秋日夔府詠懷法鏡寺峽隘陪王侍御
宴通泉歸

富春道中

頻羅庵遺集卷五

末

稠花亂蘂裏江濱江縣紅梅已放春小邑猶藏萬家室
野航恰受兩三人郊扉俗遠長幽寂戶牖憑高發興新
牧豎樵童亦無賴知吾斑鬢總如銀

江畔獨步尋花第二 舊別公安太易沙門 憶昔
第二 南鄰 宇文晁尚書之甥 題鄭縣亭子
寄從孫崇簡 奉
送蜀州柏二別駕

過某氏廢園

韋曲花無賴李生園欲荒鷄號枉渚蚯蚓上深堂細
雨魚兒出秋期燕子涼吟詩重回首迴立向蒼蒼

奉陪鄭駙馬韋曲第一 晦日尋崔戢李封 兩當
縣吳十侍御江上宅 秦州雜詩第十七 水檻遣
心第一 送許八拾遺歸江寧 課小
豎鉏斫舍北果林 秦州雜詩第五

道院偶題

徑隱千重石山歸萬古春
入門四松在對酒滿壺頻
家事丹砂訣騎行白鹿馴
蓬萊如可到號爾謫仙人

秋野第五 上白帝城第一 草堂漫成第二
風疾舟中伏枕 寄張十二山人 游 寄李十

白二

田家

碧水春風野外昏
諸峯羅列似兒孫
郭南抱甕亦隱几
塹北行榔却背村
炙背可以獻天子
曳裾何處覓王門
徑須相就飲一斗
莫笑田家老瓦盆

絕句漫興九首第六 望岳 莫秋枉裴道州手札

絕句四首第一 赤甲 追酬故高蜀州人日見

寄 偈仄行
少年行第一

病足

兩腳但如舊蹉跎又六年亦知行不逮自覺坐能堅平
地專欹倒歸來省醉眠形骸今若是萬一故人憐

九日寄岑參 春日江村第二 獨坐第二 秋月
夔府詠懷 遣悶奉呈嚴公 聞斛斯六官水歸
客堂 覽鏡
呈柏中丞

病中寄友人

病葉多先墜秋風已颯然此生遭 聖代有跡負前賢
疏懶爲名誤清羸任體孱故人憂見及爲報各衰年

薄遊 宿贊公房 大歷三年春 迴棹 寄張十
二山人 秋日夔府詠懷 別常徵君 泛江送魏

早春卽事

老夫貪佛口多病也身輕農事聞人說幽居近物情鳥
栖知故道鷗泛已春聲戲問垂綸客何曾風浪生

和裴迪登新津寺漫成第一 移居夔州作屏
跡第一 絕句六首第六 正月三日歸溪上渡

天河

晚步後圃

我圃日蒼翠欣欣物自私自鉏稀菜甲所插小藩籬賞
靜憐雲竹傾陽逐露葵牆東有隙地可以賦新詩

又雨 江亭 賓至 四松 徐九少尹見過
夔府書懷 催宗文樹雞柵 已上人茅齋

題顧嶠東先生遺照

形象丹青逼何年顧虎頭人間常見畫客意已驚秋長

嘯得石硯

手持虎頭硯

平生一釣舟高名前後事感動幾銷

憂

贈虞十五司馬

題元武禪師屋壁

觀李阿請司

馬弟山水第二

夏日李公見訪

石硯詩 秋日

寄題鄭監湖上亭第一

發潭州

西閣口號

搗練行

天清小城搗練急寒衣處處催刀尺男兒性命絕可憐
不辭萬里長爲客月傍關山幾處明去住彼此無消息
來歲如今歸未歸悵望且爲今相憶

秋風第二

秋興八首第一

偏仄行

秋盡

吹笛

哀江頭

見螢火

閬鄉姜七少府

韜光

山風吹游子窅窕入風磴參差谷鳥鳴嬋娟碧鮮淨陰
晴屢不分日出黃霧映梵放時出寺清聞樹杪磬竹竿
接嵌竇暗水流花徑杖策窮縈迴雲山已發興躋攀倦

日短歸翼飛栖定

鐵堂峽

謁文公上方

彭衙行

法鏡寺

江閣

對雨

早發

大雲寺贊公房第三

陪章留後惠

義寺

園人送瓜

夜宴左氏莊

冬到金華山觀

陪李北海宴歷下亭

西枝村尋置草堂地第二

晚

水樂洞

萬籟眞竽瑟人烟復此亭冰壺動瑤碧石壁斷空青寒
水光難定微風韻可聽人傳有笙鶴爲我下青冥

玉華宮

宿白沙驛

贈崔十三評事公輔

不離

西閣第二首

課小豎鉏斫第三首

高相

玉臺

觀

奉酬薛十

二丈判官

見贈

贈鄰翁

業醫

爾克富詩禮家纔足稻粱喜無多屋宇自有兩兒郎挂

壁移筐果看題檢藥囊數杯資好事痛飲信行藏

別李義

重過何氏五首之四

茅堂檢校第一

奉先劉少府新畫山水障歌

過客相尋

西郊

贈鄭十八

壯遊

贈臯園主人

夫子嵇阮流會心眞罕儔兩章對秋月滿壁畫滄洲處
貴如白屋還家尚黑頭斯人亦何幸欲伴習池遊

有懷台州鄭十八司戶晦日尋崔戢李封同元
使君春陵行題元武禪師屋壁課伐木晚行

山日號鹿頭
玉腕驪

苦熱三首

南方六七月上天鑠金石初宵鼓大鑪熱雲集曛黑置
膏烈火上骨折面如墨對食不能餐對酒不能喫常如
中風走焉能尚安宅歎息當路子頗帶顛顛色纖絺成
縕袍終日帽赤幘不及村野人枕簟入林僻

貽華陽柳少府雷北風湘江宴餞裴二端公

述古第二戲贈友第二首夏日送李校書

瘧羅庵遺集卷五

手

上水發同谷縣 太子張舍人 別贊上人
大雨催宗文樹雞柵 寄薛三郎中 已上人茅
齋

永日不可暮自卯將及酉水深魚知聚林熱鳥開口昨
宵殷其雷陰色靜隴畝霑灑不濡地吁嗟爲之久農人
望歲稔十步一回首嘉生將已矣摧殘沒藜莠

夏夜歎遭田父泥飲美嚴中丞 遣興五首第二
奉送王信州崙 雷 大雨 大雲寺贊公房第
四 送重表姪王珣 述古三首第二
相從行贈嚴二別駕 種蒿苴 枯櫻

人生在世間局促傷樊籠況當朱炎赫氣暍腸胃融如
覺天地窄其奈疾病攻束帶發狂欲大叫欲以上訴於
蒼穹安得誅雲師安得鞭雷公安得萬丈梯安得萬里

風安得如鳥有羽翅化爲白鳬似老翁安得仙人九節杖滅跡於君山湖上之青峯

送殿中楊監赴蜀 苦雨奉寄隴西公 白水縣崔

少府十九翁高齋 雷 送李校書二十六韻 贈

蘇四侯 早秋苦熱堆案相仍 杜鵑行 九日寄

岑參 喜雨 鳳皇臺 夏夜歎 大麥行 白鳬

行 望岳

桃竹杖引

得友人書

遠客驚深眷秋來把雁書相看萬里外不下十年餘舊識難爲態新文尚起予臨風默惆悵歲晚莫情疏

積草嶺 秋日荆南送石首薛明府 巴西驛亭觀

江漲第二首 謁文公上方 戲作俳諧體遣悶第

一首 贈李八祕書別

劍門 寄高三十五詹事

傷逝

宿昔青門裏還披鮑謝文不知雲雨散便有死生分訪
舊半爲鬼聽雞更憶君猶疑照顏色涼月白紛紛

宿昔戲寄崔評事表姪
懷舊贈衛八處士
渝州侯嚴六侍御不到
舟中夜雪夢李白二首

之一
陪鄭廣文遊
何將軍山林第九首

秋晚江行

向晚波猶綠津亭北望孤寒魚依密藻別燕起秋菰巖
谷互出沒人烟時有無維舟倚前浦爲覓酒家壚

巴西驛亭第二
大厯三年春白帝城放船
草堂
卽事舟出江陵
北征自閬州領妻子第三首

公安縣懷古
纜船苦風戲題

春日吳山遠眺

小雨夜復密春光日自濃一丘藏曲折萬井逼春容宮

闕通羣帝烟霞障幾重追歡筋力異凜冽倦元冬

夜雨

傷春五首之一

早起

巴西驛亭觀江漲

玉臺觀

謁真諦寺禪師

九日登梓州城西

閣曝日

宿西興渡口人家

有竹頗修修陂塘五月秋藩籬帶松菊徑路通林止魯

酒多還醉江魚美可求相逢成夜宿爲仗主人畱

晦日尋崔戢李封陪諸貴公子丈八溝第二

赤

谷西崦人家

寄贊上人

送仲弟亞赴巴西

戲

題寄上漢中王第二宿

贊公房

送王十六判官

自適

已是白頭翁顏衰骨更紅甘從千日醉恥與萬人同伏
柱聞周史游山憶謝公扁舟落吾手此日意無窮

投贈哥舒開府廿韻

寄司馬山人

垂白

敬簡

王明府

贈王二十四侍御契

送裴二虬

作尉永

嘉

將適

吳楚畱別章

使君

九日登梓州城

餅窑鎮

弱纜且長堤村船逆上溪白魚如切玉朱果落封泥

產地

白小魚

柿子

古鎮峯巒集田家樹木低恨無抱甕力徧性合

幽棲

水宿遣興

復愁第一

峽隘

課小豎鉏斫第

二

龍門鎮

佐還山後寄第一

又雨

畏人

薄莫山行

晚景孤村僻蕭然淨客心地卑荒野大日下四山陰回
首過津口分明在夕岑欲栖羣鳥亂碧色見松林

徐九少尹見過
津口雲
晚晴吳郎見過北舍
遣興
暝過

遊悟佛精舍

去鎮一里許寺後石壁四
立多鑿古佛俗名石佛庵

已從招提遊窅窕一林麓連山蟠其間曠望延駐目諸

龕遍崖鬼滑石欹誰鑿

叶

洞門盡徐步艱險路更踟崖

絕兩壁對雷雨蔚含蓄空房客寓居檻峻背幽谷堂下
可以畦堂前自生竹問我來何方喧卑方避俗我生無
倚著濁醪與脫粟游寺可終焉出塵閤軌躅奈何迫物

累行行見羈束落日將如何良會苦短促回看不住心

薄雲巖際宿

游龍門奉先寺 客堂 殿中楊監 上後園山脚

山寺 龍門閣 大雲寺 贊公房第一 三川觀

水漲 萬丈潭 課伐木 酬高使君相贈 送嚴

侍郎到綿州 種萵苣 示從孫濟 贈衛八處士

賓至 自閬州領妻子第一 柴門 迴權 陪

章畱後惠義寺 發同谷縣 寫懷二首第一 陪

李北海宴歷下亭 送高司直尋

封閬州 望牛頭寺 宿江邊閣

春日吳興舟中卽事

眇眇春風見冥冥細雨來遠鷗浮水靜嬌燕入檐回茅

屋還堪賦山花已自開漁人紫小楫坐穩興悠哉

子規 梅雨 春歸 李鹽鐵第一

春日 江村第一 早花 江漲 放船

春湖曲

雲石熒熒高葉曉亂插繁花向晴昊蓬萊宮闕對南山
紫駕正耐烟花繞弱雲狼藉不禁風近市浮烟翠且重
欲往城南望城北可愛深紅與淺紅雷聲忽送千峯雨
桃花欲共梨花語渡頭翠柳豔明眉湘妃漢女出歌舞
臂槍走馬誰家兒走過掣電傾城知紅顏白面花映肉
輕紈細綺相追隨富豪有錢駕大舸春水船如天上坐
水雞銜魚來去飛山禽引子哺紅果錦纜牙檣起白鷗
余亦沙邊具小舟細推物理須行樂高視乾坤又可愁
復有樓臺銜暮景落日孤霞閃餘暎鳴鳩乳燕青春深

野花山葉銀釵竝朝來新火起新烟百花高樓更可憐
吹花困嬾傍舟楫觸迂愁人到酒邊人生歡會豈有極
此日此時人共得昨夜邀歡樂更無出門轉盼已陳迹
漸老逢春能幾回不問綠李與黃梅春花不愁不爛漫
只恐花盡老相催黃衫年少來宜數跨馬出郊時極目
錦城絲管日紛紛喧呼且覆杯中淥自笑狂夫老更狂
行酒賦詩殊未央東家蹇驢許借我更試明年春草長

簡吳郎司法

蘇端薛復筵

秋興八首第五

洗

兵馬

江雨有懷鄭典設

暮登

四安寺鐘樓

哀

江頭

江畔獨步第五

卽事

曲江對酒

清明

漢陂行

去秋行

高都護

驄馬行

暮秋

道州札

韋諷錄事宅

最能行

小寒食

舟中作

閬水歌

解悶十二首第一

秋興八首第六

短歌行送祁錄事曲江第一首相從歌贈嚴二

別駕院中晚晴懷西郭茅舍憶昔行題省中

院壁負薪行清明二首之一江畔獨步第四

風雨看舟前落花送路六侍御入朝陪王侍

御同登東山人日兩篇第二戲贈閔鄉秦少公

晚發公安絕句漫興第四首詣徐卿覓果栽

十二月一日三首之一江畔獨步第七少年

行二首第二野望贈花卿醉為馬墜狂

夫章梓州橋亭

偈仄行瘦馬行

題友人九峯讀書圖

山中儒生舊相識滔滔才畧滄溟窄白水青山空復春

歎彼幽栖載典籍男兒須讀五車書傍此烟霞茅可誅

庾信平生最蕭瑟馮唐已老聽吹噓幽棲地僻經過少

逢迎少壯非吾道一辱泥塗遂晚收百壺且試開懷抱

懷抱何時得好開口雖吟咏心中哀途窮反遭俗眼白
儒術於我何有哉剩欲提攜如意舞長歌激越梢林莽
語不驚人死不休更覺良工心獨苦天畔羣山孤草亭
案頭乾死讀書螢東行萬里堪乘興阜帽還應似管寧

七歌第七

惜別行送劉

寄常徵君

寄柏學士

柏學士茅屋

岳麓山道林二寺

詠懷古跡第

一

寄岑嘉州

有客

清明長沙送李

蘇端

薛復筵

秋盡

晚晴

丹青引

醉時歌

舍弟

觀第二

曲江第二

江上

值水

題李尊師

卽事

題鄭十八

卜居

嚴中丞枉駕

贈友

吾兄吾兄巢許倫富貴於我如浮雲釣竿欲拂珊瑚樹
世上兒子徒紛紛紛紛輕薄何須數反鎖衡門守環堵

楚時相賞莫相違卽事非今亦非古但覺高歌有鬼神
清詞麗句必爲鄰自知曰髮非春事何用浮名絆此身
遙憶書樓碧池映風含翠篠娟娟靜松高擬對阮生論
卜築應同蔣詡徑許坐曾軒數散愁一驅交態同悠悠
故人情味晚誰是獨立縹緲之飛樓速宜相就飲一斗

白日放歌須縱酒山鳥山花吾友于扁舟繫纜沙邊久

狂歌行丹青引送孔巢父謝病醉歌行貧

交行秋雨歎第三曲江二首第二曲江三章

第二醉時歌戲爲六絕句第五曲江陪鄭八

南史飲曲江二首第一寄裴施州狂夫絕

句四首第一舍弟觀赴藍田簡吳郎司法相

從行贈嚴二別駕病後遇王侍飲白帝城最高

樓偏仄行聞官軍收河南岳

麓山道林二寺奉寄別馬巴州

題畫

洄洄石根水汨汨松上駛松風礪水聲合時只尺但愁
 雷雨至松下丈人巾履同歲拾橡栗隨狙公飄然斑白
 將奚適緣_々擬住最高峯雲白山青萬餘里飛閣捲簾
 圖畫裏晴_々檢點白雲篇似聞昨者赤松子知子松根
 長茯苓藥條藥甲潤青青垂老遇君未恨晚悵望秋天
 虛翠屏嗚呼何時眼前突兀見此屋棊局動隨尋澗竹
 明朝且入藍田山隱士休歌紫芝曲

法鏡寺 第三兩 憶昔行 漢陂行 贈李尊師

乾元中寓居七首之一 岳麓山道林二寺 文

人山 小寒食舟中作 即事 贈獻納使起居田

舍人 寄韓諫議 嚴氏溪放歌行 絕句四首之

四相從歌贈嚴二 覃山人隱居 茅屋爲秋風
所破歌 因許八奉寄江寧 去矣行 洗兵馬

雜興小絕

西嶺紆村北東屯枕大江高齋坐林杪笑舞拓秋窗

遺悶奉呈嚴公 行官張望補稻畦
白水崔少府 季秋蘇五弟纓

翳翳桑榆日陰陰桃李蹊老夫自汲澗日暮還灌畦

成都府 水宿遣興奉呈羣公
奉酬薛十二丈判官 無家別

蒼濤鬱飛翻迴風起清曉看松露滴身破甘霜落爪

客居 雨二首之二
東屯北峽 孟冬

和竹垞先生松靄山房六詠卽書卷後

四松徑

入門四松在清風爲我起高入浮雲端響下浮雲裏

草堂 四松 營
屋 聽楊氏歌

山茶院

紅稠屋角花春色浮山外却倚蓮花臺童童狀車蓋

雨過蘇端 望牛頭
寺 山寺 病柏

清籟居

石亂上雲氣山光見鳥情秋窗猶曙色虛閣自松聲

柴門 移居夔州作
客亭 滕王亭子

西礪

澗水空山道未盡喬木西畦丁負籠至洗藥浣花溪

憶幼子

泛溪

園官

送菜

絕句九首第二

栗園

密樹當山徑風吹細細香山家蒸栗暖野果充餽糧

望兜率寺

嚴鄭公宅同詠竹從

驛次草堂復至東屯第二 彭衙行

竹筧

竹竿接嵌竇嵌竇潛洩瀨山頭到山下通流與廚會

園人送瓜 萬丈潭 太平
寺泉眼 信行遠修水筒

庚戌之秋北歸述懷

我戀岷下芋高秋念却迴壯心久零落青歲已摧頽筋
力妻孥問形容老病催白頭搔更短但愧菊花開

贈別賀蘭銛

舍弟觀歸藍田有歎

昔游

日夔府詠懷

送舍弟穎赴齊州之二

春望

日五首

第二

秋陰

今日過雲遲溪風滿薄帷轉添愁伴客應是雨催詩行
色秋將晚人情老易悲如何對搖落未有不陰時

兩四首之二

諸葛廟

奉酬李都督表丈

陪諸

貴公子

奉簡高三十五使君

暮春江陵送馬公

卿

謁先主廟

人日兩篇

自橫山歸江行遇潮

始來茲山中林僻來人少拘悶出門遊衆壑生寒早寸
步曲江頭開懷慰枯槁山影漾江流秋色凋春草是時

秋冬交禾黍已映道平生飛動意仰羨鸛鶴矯更越西
南頂路危行木杪四顧俯會巔高視收人表人遠鳬鴨
亂喧鬧畏衰老如絲氣或上雲雨白浩浩濶會滄海潮
心胸已傾倒風過齊萬弩山林跡如埽積陰帶奔濤一
覽衆山小空蒙辨魚艇長影沒窈窕揚舫洪濤間篙工
密逞巧經時冒險艱周防期稍稍薄俗難具論爲客無
時了風濤怒猶蓄少須顏色好清暉回羣鷗落日邀雙
鳥杖策迴且暮城烏啼眇眇

發同谷縣

傷秋

又雨

課小豎鉏斫

九日寄

岑參

屏跡第二

園人送瓜

哭李尚書

聞州

東樓筵

遣興三首之三

贈高式顏

韞末陽書

致酒肉

西枝村尋置草堂地第二首

山館

冬

到金華觀秋日夔府通泉驛南去雨過蘇端
太平寺泉眼送長孫九待御桔柏渡奉贈
射洪李四丈雷贈李白飛仙閣望岳漢
陂西南臺柴門別蔡十四著作上水遣懷
九月奉寄嚴大夫遺悶示從孫濟大厯三年
九月三川觀水漲麗春石櫃閣秦州雜詩
第十六西枝村尋置草堂
地第一首舟月對驛近寺

甲寅初春五日葛林園佛殿後大樹爲雪壓損并

毀屋記事

招提憑高岡老樹空庭得生長漫婆娑迢迢百餘尺落
景下高堂滿歲如松碧常時往還人枕簟入林僻開軒
納微涼撥煩去冰釋深院果幽期登臨多物色雪片一
冬深蒼皮成委積大哉霜雪幹飛動摧霹靂天穿壁面

削殿瓦鴛央坼雞鳴風雨交漠漠世界黑山僧高下居
狂走終奚適夜闌更秉燭日轉東方白告訴棟梁摧使
我潛動魄卑枝成屋椽形象丹青逼不崩亦不騫扶顛
待柱石人安若泰山回首知不隔甚疑鬼物憑方知象
教力相看受狼狽偏仄何偏仄開坼日離披礪魄其充
塞莫計枝凋傷神明依正直交橫集斧斤構厦豈云缺
叶人事多錯迕朔風鳴淅淅泥濘非一時轉添愁伴客
死地脫斯須焉能尚安宅羣生各一宿得喪初難識君
看禽鳥情不暇憂反側飛栖假一枝羣鳥自朝夕

太平寺泉眼

秦州雜詩第十二首

惡樹散愁一

上人茅齋 夏夜歎 催宗文樹雞柵 大雲寺贊
公房第一 秋日夔府詠懷 寄楊五桂州 課伐
木遣興五首之一 夜聽許十誦詩 青陽峽
秋日荆南送石首薛明府 雨過蘇端 贈蜀僧闍
丘師兄 謁文公上方 風疾舟中伏枕 羌村三
首之一 東屯月夜 山寺 送李校書二十六韻
彭衙行 贈虞十五司馬 觀薛稷少保書畫
入衡州 故司徒李光弼 白水縣崔少府十九翁
營屋 同諸公登慈恩寺塔 兩當縣吳十侍御
宅 偏仄行 陪鄭廣文遊何將軍山林第三首 御
三川觀水漲 四松 病柏 枯櫟 自京赴奉先
縣新婚別 雨四首 第三 泥功山 奉酬李都
督表丈大歷三年春 發同谷縣 寫懷第二
秋日荆南述懷 杜鵑 送韋諷上閬州 偶題
贈左僕射嚴武

七夕

天上秋期近其如離別何羣仙不愁思猶有淚成河

月湖中送敬十使君觀李固
請司馬弟山水圖得舍弟消息

又一首

今夕復何夕中庭每緩行牽牛去幾許烏鵲自多驚不
見秋雲動何曾風浪生遙憐小兒女那得易爲情

贈衛八處士花鴨秦州雜詩之八玩月
呈漢中王秋笛天河月夜泛江送客

秋夜不寐

燈影照無睡明翻宿鳥頻餘光隱更漏久坐惜芳辰搖
落關山思蒼茫土木身秋蟲聲不去愁殺白頭人

大雲寺贊公房第三十七夜對月江邊星月第
一首鄴城西原送李判官陪鄭公秋晚北池

奉贈蕭二十使君

除架月三首第一

王臈庵庚期需次京師六年始得一官薏歸相晤

卽送其之江右任

官序潘生拙新梳白髮微積年仍遠別茲日倍多違常

恨結驪淺忽驚會面稀此行非不濟愁絕故山薇

秋日寄題鄭監湖上亭第二 九日諸人集于林

遠懷舍弟穎觀等 巫山縣汾州唐使君 送高三

十五書記古詩 奉送魏六丈之交廣

贈李八祕書別 歸雁二首之一

苔徑

苔徑臨江竹冥冥細雨來主人情爛漫庭鶴舞摧頽步

履宜輕過柴荆莫浪開風吹花片片倚杖獨徘徊

春歸 梅雨 與鄆縣源大少府宴漢陂 秋日荆

南述懷 庭草 舍弟占歸草堂檢校 城上 課

小豎鉏斫
第三首

題賣菊翁壁

圃畦新雨潤時菊，碎榛叢野與每難盡。清樽幸不空衣，
裳判白露門巷落丹楓。未負幽栖志，陶潛避俗翁。

晚晴吳郎見過北舍，苦雨奉寄隴西公。送嚴侍
郎到綿州同登杜使君江樓。嚴公廳寓同詠蜀道
畫圖，舍弟觀歸藍田迎新婦第二。秋峽
寄李十二白廿韻。又遣興五首之第三。

頻羅庵遺集卷六

錢唐梁同書

文一 奏 狀 書 序 記

謝先太保治喪卹典摺子

乾隆甲申四月

臣某等謹奏爲恭謝 天恩事竊 臣父大學士 臣梁某

於上年十一月十四日病故奉 上諭大學士梁詩正

老成端重奉職恪勤侍直內廷晉階綸閣方資簡任遽

聞溘逝深爲軫恤命皇五子前往奠醑並加贈太保八

祀賢良祠賞給內庫銀一千兩治喪念伊子梁敦書尚

未到京寓次乏人著派內務府司官一員前往經理其

事所有應得卹典該部察例具奏欽此泣思 臣父受

先朝知遇之恩沐 聖主生成之德起寒微而登詞館

歷卿貳而晉綸扉無事不仰藉 優容無時不上承

眷注自依 禁近三十餘年備荷 殊施一門數世 臣

同書 以舉人 特賜進士選入翰林 臣敦書 以舉人 恩

賜廕生陞任知府 恩深覆載莫可名言上年十一月

蒙 皇上准 臣父之奏以 臣敦書 改補京員並 加

恩以戶部郎中用在 臣父甫屆老者正幸報稱之有日

在 臣敦書 得親侍養益增感戴于無涯不圖罪重孽深

臣敦書 方拜命黔南 臣父已長辭 聖世 臣同書 又以

丁嗣父憂回籍後告病未痊致 臣父屬續之際不獲口

授奏辭以申 君恩未報之隱哀鳴莫達抱疚何窮乃

荷 高厚鴻慈倍加軫恤 特命皇子賜奠更頒帑金

治喪 錫祀賢良晉階太保易名祭葬 卹典頻仍復

俯念

臣敦書

未能卽到寓次並 命派員經理

臣同

書敦書

先後匍匐抵京跪讀 恩綸感淪肌骨以

臣等

之缺供子職忠孝兩虧乃 聖恩之下逮

臣

家沒存均

至 臣父固生生世世銜結九原 臣等則子子孫孫銘勑

五內雖使捐糜踵頂無從酬答涓埃現在百日期滿敬

謹赴 闕叩頭恭謝 天恩所有感激蟻忱理合繕摺

具奏伏祈 皇上聖慈垂鑒謹奏

謝先太保文莊公入祀賢良祠摺子

乾隆甲申四月

臣某等謹奏爲恭謝天恩事竊臣父原任大學士臣

梁某蒙皇上恩旨入祀賢良祠並賜祭一壇現在

將次舉行正擬恭領典禮畢後再赴宮門謝恩

并奏明扶櫬起程日期迺於本月二十日接奉內閣抄

出上諭原任大學士梁詩正靈櫬歸里著照大學士

蔣溥之例沿途文武官弁在二十里內者赴舟次弔奠

并遣人護送俾得穩抵故里以示優卹欽此臣等跪讀

之下感戴難名泣思臣父以一介寒賈遭際聖朝膺

殊眷於生前德同覆載荷隆施於身後禮備榮哀

茲於旋里之時復邀逾格之典潞河端發來道路之
送迎喪舸言歸得津梁之安穩水次多奠觴之吏途中
有助紼之人實爲鄉里之光榮備極人臣之寵幸在
臣父仰承優卹益增銜結於九原而臣等泣奉恩
綸難報涓埃于畢世所有感激微忱理合繕摺恭謝
天恩再臣等擇于五月初四日扶臣父靈櫬起程回籍
合并奏聞伏祈聖鑒謹奏

南巡賜祭先文莊公摺子

乾隆乙酉閏二月

臣某等謹奏本月初八日蒙恩遣通政使孫灝致祭
亡父大學士贈太保臣梁某等卽恭設香案叩頭

祇領訖竊

臣

父生邀踰格之

寵榮沒受殊常之

贈

卹如天如地莫可名言以子以孫不知所報顧以 賜

塋未就

王命久紆已違五月之期彌切寸心之疚迺

者恭逢

車駕幸蒞梓枌仰蒙追念舊臣

敕官致祭

以方前典

恩實過於撤瓜豈意踰年悼尚深乎撫几

奠楹霑澤廟室流輝招既往之精魂九原知感矢將來

之報効每飯難忘蟣蝨小臣幸瞻 天之有路草土餘

息敢叩

闕以抒誠

臣

等不勝感激荒殞之至

又

乾隆庚子三月

奏爲恭謝

天恩事本月初三日奉

諭旨遣太僕寺

卿倪承寬致祭臣本生父已故大學士臣梁某臣謹就

墓次設香案北嚮叩頭祇領訖伏念臣父故後十有餘

年兩邀 曠典恭逢 南幸每追念夫舊臣 特敕王

人用薦馨於先壟松楸被澤桑梓增榮招已往之精魂

九原知感矢無涯之銜結沒世難忘在微臣養疾里門

獲近 宸居而泥首而臣弟臣某服官楚澤遙瞻 行

幄以抒誠莫酬 覆載之恩益動露霜之感臣不勝感

激頂戴之至

又 乾隆甲辰三月

奏爲恭謝 天恩事本月十五日奉到 諭旨遣內閣

學士朱珪致祭

臣

本生父已故大學士

臣

梁某

臣

當就

墓次恭設香案北嚮叩頭祇領訖伏念

臣

父故後

曠

典頻邀茲逢

鑾輅之六巡復荷馨香之三錫奠醑仰

煩

天使品物預飭司存深松霑春澤之施宿草被榮

光之及招幽靈於旣往

恩浹重泉矢銜結於靡涯情

均兩地在

微臣

告疾里門獲近

宸居而泥首而

臣

弟

臣

某備員臺省佇迎

輦道以抒誠莫酬

覆載之仁

益動露霜之感

臣

不勝感激頂戴之至

乞本省巡撫代奏謝

諭葬恩狀

呈爲卹典舉行懇求代奏恭謝

天恩事竊某亡父原

任某官某蒙 恩給予全葬於乾隆二十九年七月扶
櫬歸里兩年以來祇承 恩命日夕彷徨旣虞營辦之
不臧又懼遷延之滋戾幸上年卜地得吉因山向不利
始于本年二月中旬舉行 諭葬之禮當就墓次恭設
香案北嚮叩頭訖伏念某亡父生逢極盛沒有遺榮屬
破格者靡弗邀在常典者無不備 賜之塋域 寵以
絲綸華表雙擎鶴望長依乎閭闔豐碑屹立龍光下燭
乎幽潛遠近爲之驚觀林阿因而增色從此永安窀穸
總荷 君恩遠庇雲仍皆叨 天賜起先人於九原之
下沒世寧忘望君門如萬里而遙微忱莫達伏乞大人

俯據下情上陳 天聽葬事畢後某等赴京銓補叩
闕謝 恩再傾葵藿之誠永矢涓埃之報爲此感激上
呈

謝 恩加學士銜狀

原任 日講官起居注翰林院侍講梁某呈爲恭謝
天恩懇請據情轉奏事本年丁卯科浙江大比之期距
乾隆十二年同書鄉舉之歲花甲一周鹿鳴再賦恭承
大中丞以科名盛事破例 上聞特蒙我 皇上念
綸閣舊臣推 恩下逮於本月二十三日接奉 諭旨
梁同書係原任大學士梁詩正之子著賞給翰林院侍

講學士銜重赴鹿鳴筵宴以示嘉惠者臣至意欽此卽
於次日恭詣 萬壽宮叩頭謝 恩訖竊念某世受
國恩身叨門蔭清書散館大考遷官在京供職兩充分
校入闈以病告歸三度祝 釐赴 闕無健飛之翩翩
怯風搏非中伐之才徒虛匠顧長願爲太平歌詠之民
寧復有非分 恩華之想迺今 錫之禮宴 寵以清
階俾蓬藿餘生重霑 雨露桑榆晚景益被 光華里
黨傳爲美談士林詫爲榮遇唯是衰孱筋力不克匍匐
殿廷遙望 九重蟻忱莫達用抒寸牘葵向難名爲
此具呈伏求代奏不勝感激忻幸之至

與嚴九能書

足下不八州府道則高矣然聞其舍去舊業謝絕人事
閉門佞佛竊爲足下不解也聖經言定靜安孟子言養
心寡欲於二氏之學未嘗不出門合轍也人處欲界所
難者只此一事若果寡欲而無欲則自然能靜自然能
養又何佛之足云若止念經持咒朝夕禪參心欲其靜
而日提此心則心耗氣欲其養而日提此氣則氣耗心
耗氣耗則神離矣弟嘗見講空元之學者每於友朋晤
談一室忽畢然曠然若有所思者其神離之謂也神可
離乎弟并聞有神出而不能還元以至奄忽者然則心

與氣與神宜斂之藏之不宜耗之也明矣足下亦何苦而爲此也來札承念屬弟珍嗇珍嗇亦斂藏之說何獨不自鑒也所屬條幅弟已忘之當此大凍勢不能動筆須俟來春再報命來牋雖雅惡札任意塗抹不暢仍繳上亦頗嫌多此一枝梅也蜀碧收到容致周生使旋順候近履不盡

復友人書放生頌札

僕一生但能不爲惡不能爲善故亦不樂爲善事之首如昨足下所示放生頌僕若挂名簡末則非首而亦首矣且寒家家法不佛事不齋素正與會中諸君子相戾

以反是之性情而彊作姑且之筆墨是又僕心欺友朋
不敢也况聖人不廢釣弋君子但遠庖厨我輩受孔子
戒似不當援儒而入於墨猶記幼時讀陶庵先生文殺
人不聞以牛代殺牛則獨以羊代二語趣極橫極然則
帝王不能有生而無殺天地不能有舒而無慘獨此鳥
獸蟲魚得優游翔舞於光天化日之下久久爲之勢必
交中國而物靈沼又將何以處此僕老而癡竊爲諸君
子作杞人憂也一笑一笑信筆直道未免饒舌必欲阻
善類殺風景僕亦不爲足下自婉辭復之母徒取惡於
諸君子也頌稟一紙附往

程旣培同年愜心集序

往余從外舅積山汪先生游新安程君旣培先出門下
後與余弟兄爲丁卯同年友君自少規言矩行粹然有
儒者風數十年來積山先生墓木已拱余兩人俱頭白
老翁余性懶慢君則好學之勤耄而不倦家居課子若
孫嘗以小學一書不獨有功蒙誦卽終身亦當熟復顧
其內篇四卷采取經史子集已備而外篇嘉言善行朱
子生當南宋所蒐輯者北宋而止君因取南宋元明以
迄我朝之魁儒傑士其言其行類小學所輯者隨時
記錄積久成帙用續小學外篇庶幾紫陽氏之功臣歟

昔有問朱子曰霍光小心謹厚而許后之事不可謂不知馬援戒諸子以口過而褻尸之禍乃口過所致編在小學無亦采其一節耶朱子謂取人之善爲己師法政不當如此論君所記錄或間有類是者如以博陸新息之疑疑之是惡知取善之心哉嗟乎後之視今猶今之視昔君於丙申歲自新安來展積山先生墓泣然流涕賦詩二章余含悲和之此亦足追古人之誼由是推焉君之言行卓卓可紀者定多異日倘更有續君書者而君卽書中人矣余獨媿年事日增素業不進韓子所謂聰明不及於曩時道德日負於初心序君書不覺泚然

汗下也

袁神庚同年制義序

余同年袁君石巢病且逾年一日盡出其生平所作時文汰去大半繡版行世人遂謂君之研精疲神君之病君之文爲之也余以爲不然余惟先人之敝廬舊在鳳山之麓去君居不數里而近而尊甫山立先生與先君子南村過從樂數晨夕以故余小年卽知君能爲文章試輒冠其曹偶未幾忝與君同舉於鄉丁丑君復成進士一時名噪都下君於此道可謂三折肱矣劉彥和不云乎英華出於情性賈生俊發則文潔而體清子政簡

易則趣昭而事博子雲沈寂則志隱而味深平子淹通則慮周而藻密夫君以澹雅之才沈鬱之思處若忘行若遺併心壹氣與前人雜襲而競能人愛君之文日益工遂惜君之疾日加漸雖然君之疾非列禦寇所謂聞歌以爲哭視白以爲黑水火寒暑無不倒錯迷罔之疾也是列禦寇所謂譽不以爲榮毀不以爲辱得而弗喜失而弗憂龍叔之疾也亦奚疾哉然則世之讀君文者將以是爲益智之良劑扶劣之上藥無俟謁三醫而霍然已者已亦奚疾哉

彭晉函時文序

歲丙子順天秋試余得隨諸前輩預檢校之列詳審既定拆糊名卷至第三十四名彭澧前輩中有號於衆者曰誰爲得此人者余錯愕不敢出一語因復謂余曰此丹陽彭生也初名澤令爲時文有聲江淮間計子未就外傳時生之行卷已膾炙人口矣而今乃出子門余唯唯彭生來見執禮甚恭余謝不敢當坐間談藝偶及世之摹仿成正時文體者襲貌遺神幾同腐木溼鼓生躍然曰此吾所以善爲其變而能鉤取其神余亦唯唯未幾春試報罷生之鄉先達督學黔中延生入幕六月徂暑生來別余余欲尼之不得乃竟以客死嗚呼生何昌

於文而阨於遇歟生之文向爲方朴山王已山諸老宿
所推許余又何敢置一辭顧執手未幾遂成永訣遺編
待輯宿草再新撫今哀往其尚能已於言乎生之友半
天下皆當世知名士今之訂生遺文者則生之同鄉古
君毅陽余同年友也其向之號於衆者則吾鄉句山陳
先生也因附記於此

彭晉函古文序

丹陽彭晉函亡後之某年其友某爲刻其時文若干篇
行於時復尋檢殘叢得其所爲古文傳敘銘志凡如干
首皆上規龍門下法昌黎鬱鬱勃勃成一家言蓋晉函

之爲諸生也且五十年矣素以文章節義自矜詡雖陷
囹圄迫寒餓其氣不少懾又好網羅畸人逸事加以讚
歎若唯恐其湮沒不彰者垂老得乙科不自聊賴因走
萬里外踐友人約蠻烟毒霧策蹇伶仃以齒危髮禿之
人經此宜其憊也而不意遂至於死悲夫今讀其集中
序金壇高斧文詩有云宿負異才落落無所合讀其詩
忼慨歷落之氣往復盤曲而不足以自己因以悲其遇
焉噫此攻其所以自謂也余又何以傳晉函哉

王丹言制義序

余幼學爲文不肯循蹈規矩喜爲縱橫汗漫之作或深

入不能出則又偏僻而不軌於正往往爲老輩所斥弱
冠從外舅積山汪先生游葑蘿蕪穢批導竅卻久之稍
有領悟而又不免眼高手硬之病旣視委璫試帖猥醜
墨裁不屑爲一題入手求異於人製局之艱構思之苦
至窮日夜不得終篇同人笑余之拙而余亦自憤恨不
能解也其時慎齋王君與余居不一里而近聞其爲人
簡交游外聲氣下帷攻苦銳意爲制舉文不工不止而
吾師適與慎齋有姻連嘗以其窗課示及門稱其不染
時俗惡習唯此君也余心識之自余僥倖入京十餘年
奉諱歸而慎齋領鄉薦又十年而遽歸道山余始終未

得一面也最後與其令嗣載坤交得盡讀其所梓制義
一編虛和清雅不愧作者設使慎齋而在縱不得氣以
去將爲吾鄉一老斲輪其功力之深純又當何如可傳
之作豈僅此而已哉惜乎其鈍於遇而促於年也今其
令嗣以版行日久謀整理之屬余爲之引余昏耄無似
心精枯竭不能爲慎齋張一軍置一騎且前此諸公弁
言已詳之夫何贅姑序其文字神交之始末云

鴛鴦湖權歌合刻序

鴛湖兩水相並鏡夾西東志稱錦鳥時來棲宿居斯土
者權木蘭之舟譜竹枝之調道揚風土寓詩人諷諭之

意朱竹垞譚舟石兩先生其善歌之先聲矣顧某水某
止一名一物單文逸錄間有爲昔製所未詳者陸子和
仲張子芑堂爲後來之秀諏采舊聞希風前哲蓋有志
焉會學使者臨川李適園先生以鴛湖櫂歌課是邦人
士二子方優游太平清讌之時復際輜車采風之會斐
然有作各得百篇語差雷同藻兼新逸它日於煙輕波
暖時聽菱女漁師緩歌高唱或三五首八九首如風雪
旗亭故事二子其眞爲鷗鷺主盟乎抑吾更有異者昔
張堯同與陸蒙老撰嘉禾雜詠雖篇什繁簡不一指趣
則符二子旣分豔於六朝復齊名於南宋更唱迭和求

其友聲又何古今人之適相合哉君子將於是乎覘風教矣

佳句錄序

詩不可以句言也句亦不可以佳盡也樂府古體無論已卽短章長律古人一氣鏘鑄不受剪裁有合之則美而離之反不佳者碎瓊田之玉屑坼海圖之波濤恐不免爲搏擗者藉口耳然而崔信明楓落吳江杜荀鶴日高花影或五字以外無聞或百篇之中僅見若此之類今昔皆然非有長爪生古錦奚囊又曷由收拾驚人之句哉海鹽吳子修年少工詩不墮世好平日懷鉛握槧

遇古人及近今名下士一語兩語靡不掌錄而心識之如蜂子之采花如鵝王之擇乳仿唐人摘句圖爲佳句錄若干卷其用意可謂勤且專矣呂覽有云善學者如食雞必食其跖數千而後足又曰無粹白之狐而有粹白之裘取之衆白也然則是編也備巾箱之遺忘資藝林之掇拾其誰曰不宜

俞蒼石可儀堂詩偶存序

鄉先輩俞企賢先生工書畫篆刻兼長於詩俞氏世以科名顯前則瞻白先生萬厯間進士厯宰七縣有惠政沒而爲神後則以除先生父子迭興文章推海內獨先

生以諸生介其間一時名士多與之遊慕其爲通人也
亦重其爲高士也先生四世從孫蒼石少時卽喜爲詩
有所觸輒於詩發之困諸生三十年挾筆硯衣食於奔
走東溯越江窺禹穴過嚴陵七里瀨北渡揚子登浮玉
山客金陵泛秦淮水一切可喜可愕奇崛隱秀之境咸
得於中而見於詩顧其貌抑乎自下粥粥若無能者猝
於廣坐中接之鮮不以爲椎樸少文孰知其爲詩人之
選哉今夫里巷小生稍諧聲韻儷青妃白卽自謂握靈
蛇之珠抱荆山之玉互相標揭跋扈飛揚自得之色往
往見眉宇間以君視之其相去何如也君嘗交吳隱君

步齋先生集卷之二
西林翟廣文晴江兩先生而復見賞於簡齋袁太史太史爲點定其稟并爲之序其殆切磋於三君子以成其材者乎抑家學之稟承有自上繼企賢先生而起者歟余嘉俞氏之世有通人也爲識數語於卷端若其標格之清而不寒華而不縟戍削而無刻劃之迹不貌襲前賢而時時與之合轍則太史所謂合古人以就範離古人以存真者亦旣得之矣余又何贅焉

遂昌王文沙窺園詩鈔後序

始吾讀文沙之詩未接其人也昨年秋文沙來武林過余舍余適自外至談良久見其面目清臞音吐安雅朴

而不俚謙而彌光吾於是因其人而益證其爲詩也夫
詩者肖乎性情而爲言也劉彥和論文體性云八體屢
遷功以學成才力居中肇自血氣氣以實志志以定言
吐納英華莫非情性唯詩亦然故少陵云陶冶性靈存
底物性情不深或危側趨詭或縹緲附俗雖聲華斐然
非凡近猥釀則土龍芻靈耳曷足貴哉抑余更有說焉
詩不必規規於時代體格之間亦不必一讌集必有詩
一游歷必有詩境之所觸則發揮之意有所感則抒寫
之當情往興來長篇短韻刺刺不能林設窮年積月不
得一佳語輒隨手棄之此其所以爲性情也文沙深於

性情者也而製局稍褊取徑稍平之處不能免焉此又性情過謹之病余援朋友之義終之以規復以此說進他日倘更得解脫繩束則梅檀妙香當熏發四十由旬而上矣文沙以爲何如

范誠與妹夫七十壽序

余生平不喜作壽詩壽序徒以不衷之語媚人蓋甚恥之又嘗與吾子弟論曰夫子云父母之年不可不知知在心也并不可使父母知也父母非不知而必陳之以觴酒饗之以鼓鐘羅列屏障奔走賓客子之心或不知懼不暇懼而父母之心早隱隱然滋戚矣爲子弟者曷

若平日委曲承顏侍養無闕使二人者忘其爲衰老之
爲得乎余是以不樂人之壽我亦不登堂爲人壽也然
則何爲乎壽吾妹夫誠與三兄也吾甥輩具衣冠請曰
某不肖不克樹立以顯揚爲志微舅氏一言將無所藉
以娛吾親者余故不獲辭而爲之言曰君爲先文莊公
愛壻余同母女弟歸焉早失怙恃長兄魚南先生總家
政賴卵翼之以成就學業讀書彊識善悟下筆駸駸不
可止遏師長咸驚異之猶憶丁卯歲余集同學戰藝於
寒舍君在焉題入手援筆疾書了無難色日高春已脫
橐而余猶不及半如窗間凍蠅鑽紙出不勝抵觸之

苦君視之輒笑余癡鈍而余亦望君如天仙化人之不
可及蓋其爲文深入顯出骨停肉稱真所謂儉歲之梁
稷寒年之織纈故試無不利南北兩中副車至壬午登
本省榜可云矢無虛發矣及禮闈報罷後適豫工例開
未免見獵心喜百計圖之乃得筮仕爲縣令厚期君者
未嘗不爲君惜也初授廣東之清遠厯任劇邑恢恢乎
有餘地時節相李公以威重馭下一失旨則嚴譴隨之
君獨事事能當其意賞其有冗案才遇疑難讞牘非其
任輒檄理之如是數年當注上上考顧爲大吏所倚柅
之使不得遷君於是有倦志不得已捐升同知離任歸

遂不復出宦橐本不充而償積逋分潤同產弟去其太
半所存僅矣性不愛華侈省衣縮食徒步里門至今猶
一書生本色焉公家之財未分析者仕後率不問與同
母弟姪同屋居緩急不以靳若唯恐有憾於已者此尤
能人所不能也今年君七十矣矍鑠不異壯盛與吾妹
白頭偕老兩子二孫羅拜堂下雖陽羨之願終虛向平
之累未了而門庭聚順足以娛目前耄耋期頤願卜之
異日余不善爲鋪陳排比駢花錯繡之辭聊質言之以
塞甥輩之請不可以言文也如以言文則亦自吾三兄
壽始也

虞山楊氏宗祠碑記

禮大傳明親親爲人道之大親親故尊祖尊祖故敬宗敬宗故收族推而極之百志成禮俗刑此固爲有天下國家者言之而反古復始不忘其所自生其義則通乎上下後世宗祠之設果作之而有經引之而勿替亦所謂觀於鄉而知王道之易易也顧漢唐以來士大夫無復世爵世祿之典宗法廟制以古準今往往有杆格不相入者況乎遷地靡常託迹亦異緣義制禮夫豈易言然而仁人孝子之用心惟是致其敬發其情竭力從事以報其親不敢弗盡而已虞山楊元峯岱系本南陽葉

氏自宋石林少師以名位顯世居吳興十九傳至敬橋公由吳興遷青浦孫德賢字孔璋者嗣於楊始遷虞山稱恬莊楊氏是爲元峯曾祖孔璋之長子廷錐字偉公有丈夫子三人儉勤於家輯和於兄弟力田讀書日隆隆起始議建祠以妥其先乃相繼卽世事未克集其季繼祖字兆昌元峯之考也遺命猶諄諄及之元峯仰承先人未竟之緒弗敢忘於乾隆三十七年壬辰冬購得市東屋一區謀之族人葺爲公祠自經始迄竣工閱十有八月約費錢二千餘緡又以墓田百二十畝有奇歸入祠內爲宗祀經久計酌栗主之位次詳歲祭之規條

肫然秩然悉中法則旣自識顛末勒之石復介所親屬
余爲記余惟敦本睦族之舉在盛世所不乏特其間有
名有實有鉅有細當原其心覈其跡而論之元峯之曾
祖易姓遷虞類陶朱故事傳之孫曾保世滋大固宜自
成一族援別子爲祖之例第歷年久遠後人或忘其躬
業之艱而乃逸乃諺甚至有散失無紀者是見在之子
姓欲其不數典而忘祖已不可必得況祖之所自出將
茫然莫知其原元峯深有憂焉祠成之日旣以遷祖正
位堂中本支以下依次而附復溯石林少師爲遠祖洎
遷祖之本生父祖祀於堂後之樓其所嗣楊府君祀於

樓下烝嘗時享弗并弗畔報本追遠於是乎兼之可謂
兩無遺憾矣抑余聞元峯更斥已田千畝爲義莊以贍
族人之不給者月有米歲有衣嫁娶喪葬有資又立師
塾以教子弟舉膏火以勵秀良推水源木本之思而恢
而廣之靡不周徧其願力也宏其用意也深且遠夫祠
與莊二事也實相爲表裏以是繼繼繩繩百世不艾可
以使族無寡人無不才子則祠之中在上在左右者來
歆來格其有樂乎善繼述之賢子孫爲何如也傳曰施
於有政是亦爲政由斯道也型方化俗相率而爲三代
之民不難也夫豈斤斤鄉黨慕義者所可同日語哉故

不辭而爲之記

海鹽縣重修東嶽行宮記

海鹽僻在東隅而山海崇深靈粹鬱積自魏晉下名賢輩出卽琳宮梵宇往往有異人託跡其間計四百年來只編玉格照耀人寰朱太史彝尊明詩綜一一可按也道士朱重光居邑城之東嶽行宮醇謹高逸常采藥九十九峯間以其肘後方愈人疾病人之求之者踵相接也或酬之錢輒度置一櫝積數十年悉舉以新其祠宇起乾隆丙寅至戊戌歲次第整頓山門殿庭像設旌幢丹碧煥然凡費錢約千五百緡更以所餘葬其七世先

亡又置田蕩若干畝爲永遠香火之需事竣介明經張
燕昌乞余一言記之余攷圖經東嶽行宮肇自宋熙寧
時大觀中邑人奉議郎陸周記其事凡言神靈之赫響
答之理以及建立之由綦備迄今近七百年殿庭毀圯
主其中者修而復之其責也而余特念夫二氏之後居
處服食無不仰給於居人其假託寺院瞰錢飲博者無
論已卽誠心集事積沙聚米耗民間之膏血崇彼道之
觀瞻未受其福而潛蝕其利甚無取焉重光能以一生
心力之積公私具舉不募緣不怠事年已八十而孜孜
不已如是可謂勤矣抑又思之蓄財非方外所宜嘗有

因是以現身獲業報者或傳之非人遂一朝盡者何如
重光之善用其財而齷齪者庶幾聞風而少媿哉張君
君子也能道人善而亦不妄許可舉其稱重光者卽未
克伯仲乎梵琦徐淵輩實今時之有操行自用其能不
墜其教者余故樂爲之記俾後之瞻禮斯土者邀神貺
卽可以見重光之苦心也至其興作之次工費之數宜
備書之碑陰不具列

修小和山石路記

由西溪折旋而入曰小和山山之巔有廟奉眞武像其
中四方瞻禮者春秋香火之盛比於三竺余乏濟勝之

具曾未一至其地頗聞自山足至頂可三里許其塗陡峻歲久不治登陟者咸以爲苦住持僧香火所入雖力能爲之而道長費鉅非節縮數年之盈不足以舉事以是因循日廢歲辛丑邵君杲輩過而惻焉乃倡捐修之議會城樂善者皆願率金爲助鳩工運石始自孟夏至九秋六閱月而工竣從此登是山者拾級而上如游康莊矣余聞之不禁慨然曰誠仁人君子之用心也夫今有人跛者蹙者衰弱者雖庸豎皆知矜憐而扶掖之至若高山峻坡崎嶇厯落常人聚手足筋骸之力唯恐顛蹶不跛而跛不蹙而蹙不衰弱而衰弱比比皆是其當

矜憐扶掖更何如者況夫昇輿負擔之夫背僂而喘息
肩頹而雨汗較之撒手游行者其跋前疐後之苦又何
啻數倍乎昔寧郡魏伯子有言施冢不如施棺施棺不
如施藥施藥不如施衣被粥飯放生不如戒殺戒殺不
如作雨亭津渡道路橋梁蓋受者實則施者不虛信哉
斯言而邵子諸君始事則唱于而邪許之臨事則往來
跋涉料檢匠作以底於成其苦心尤不可沒是宜勒石
以紀歲月並以勸後之爲善者其輸財衆姓氏及所輸
如干別列於碑之下方茲不具書

東昌郡守張公葬鄧少宗伯記

視浙學者甄拔得人既去令人懷思省會之士出其門者率奉栗主於崇文書院歲一祭之號曰某會獨鄧會之祀吾師鄧少宗伯者歷五十餘年至今未替稱最盛焉師諱鍾岳字東長世居東昌 廷試第一人位至卿貳中間三典江南試督江浙廣東學政涖浙且六年而不名一錢當是時操玉尺之賢者無出吾師右士故以得列其門爲幸余年十八亦受知吾師補弟子員獲與於會祭之日奉一瓣香以年齒爲敘先後行列拜起肅然凡會中諸君鮮不至者或其人已死其子若孫輒代之來非教澤入人之深而能若此哉亦吾師醇厚正直

之德所致也乃師捐館後柩久未歸土嗣君長汝勤成
進士旋卒次汝勦舉於鄉得官直隸知縣升吾浙溫州
司馬以署任被議貧不能歸及歸未久又相繼歿室中
積棺者五裔緒乏絕天之待吾師抑何其大相左哉會
公同鄉張穆庵觀察轉漕來浙晤次詢及觀察愀然曰
此吾鄉人之責也方在集費爲安其體魄計以道里隔
越尚未就理一日觀察忽過余欣相告曰鄧公葬矣蓋
出東昌太守張公一人之力也捐清俸相吉壤并諸棺
並窆焉且擇鄧氏之賢者枝經以後宗伯旬月之間大
事畢舉生者死者兩無憾見義之勇且決吾爲鄉人者

媿矣子宗伯門人也盍識之嗟乎觀察於吾師非有交遊之素戚屬之連徒以鄉先達故毅然以舉葬爲已任而郡守則能卹及部中已故之賢大夫一將爲之一已行之均仁人君子之用心也獨自念出師門下旣不克早爲之計又不獲紼謳舉襄如昔人會葬者列名於墓道之石於心慊焉因語觀察倘寓書郡守爲言杭有宗伯門下士某者心感高誼將爲會上諸君徧告之其誌盛德於勿誼又爲我勗枝經曰善自策勵以繼家聲以無負太守之心是卽所以報賢太守也如謂郡守藉余文以傳郡守非求名者余文亦何足以重郡守郡守名

官五吾浙蕭山人觀察名映璣執筆記之者錢唐梁同書也